



Predškolska ustanova

*Aladin*

Tuzla

## UGOVOR O AKADEMSKOJ, NAUČNOJ I POSLOVNO-TEHNIČKOJ SARADNJI

zaključen dana 14. 7. 2017. godine,  
između

1. **Visokoškolske ustanove Evropski univerzitet „Kallos“ Tuzla**, sa sjedištem u Tuzli, u ul. Maršala Tita broj 2A i 2B, čiji je zastupnik v.d. rektor Akademik prof. dr Nedeljko Stanković, s jedne strane ( u daljem tekstu: Univerzitet) i
2. **Predškolska ustanova „Aladin“ Tuzla**, sa sjedištem u Tuzli, ul. Ismeta Mujezinovića 32, čiji je zastupnik direktor Sanija Kusturica, s druge strane (u daljem tekstu: Predškolska ustanova).

### Član 1.

Ugovor je zaključen s ciljem međusobne saradnje dvije ustanove u budućem procesu obrazovanja, naučno-istraživačkog rada i drugih poslova u okviru registrovane djelatnosti.

### Član 2.

Ugovorne strane će nastojati da razvijaju međusobne veze prema principima zajedničke koristi, opšteg društvenog interesa, te zajedničke komplementarne djelatnosti visokog obrazovanja.

Ugovorne strane će uložiti najveće i iskrene napore da se ovaj ugovor realizuje na akademskom nivou.

### Član 3.

Ciljevi saradnje:

1. razvoj i podsticanje zajedničkih istraživanja, seminara, međunarodnih konferencija, uz napore da se obezbijede eksterni izvori finansiranja;
2. razvoj razmjene znanja i naučnih informacija kroz recipročnu razmjenu naučnih i stručnih publikacija, e-publikacija, akademskog materijala, stručnih izvora i drugih resursa;
3. ohrabivanje i drugih akademskih projekata i aktivnosti upućenih prema drugim akademskim partnerima i ostalim izvorima finansiranja neprofitnih i akademskih projekata i
4. podsticanje i drugih akademskih aktivnosti za koje se obje ugovorne strane slože da su od zajedničkog interesa i koristi.

#### **Član 4.**

Područje saradnje će uključivati bilo koje akademske i druge naučne odnose, stručne programe koji su akreditovani i registrovani u bilo kojoj od ustanova u cilju razvoja zajedničkih aktivnosti u nastavnim i akademskim oblastima koje su od obostranog interesa, na bazi kvaliteta i reciprociteta.

Ugovorne strane će podnositi prijedloge vezane za zajedničke projekte prema odredbama ovog ugovora putem rukovodećeg izvršnog osoblja ili putem nadležnog akademskog osoblja.

#### **Član 5.**

Ugovorne strane obostrano izjavljuju da će Predškolska ustanova „Aladin“ omogućiti obavljanje stručne prakse za studente Pedagoškog fakulteta Univerziteta, studijskog programa Vaspitač predškolskih ustanova.

#### **Član 6.**

Stručna praksa studenata u Predškolskoj ustanovi „Aladin“ obavljaće se po utvrđenom nastavnom planu i programu na I ciklusu studija Pedagoškog fakulteta Univerziteta.

#### **Član 7.**

Univerzitet će prije početka nastave, u skladu sa nastavnim planom i programom za svaku akademsku godinu specificirati potrebe prema broju studenata za obavljanje stručne prakse i dostaviti Predškolskoj ustanovi „Aladin“ spiskove studenata.

Predškolska ustanova „Aladin“ će studentima Univerziteta obezbijediti kvalitetno i bezbjedno izvođenje stručne prakse, u skladu sa raspoloživim materijalnim, prostornim i kadrovskim resursima, uz primjenu i provođenje mjera zaštite na radu i zaštite od požara prema važećim propisima.

#### **Član 8.**

Univerzitet je obavezan osigurati da svi studenti prije obavljanja stručne prakse izvrše obaveznu sanitarnu obradu i dostaviti o tome dokaz Predškolskoj ustanovi „Aladin“ (sanitarna knjižica), te da imaju čiste uniforme i čistu obuću za vrijeme obavljanja stručne prakse u Predškolskoj ustanovi „Aladin“.

Predškolska ustanova „Aladin“ će studente Univerziteta blagovremeno, na primjeren način, upoznati sa propisanim kućnim redom.

#### **Član 9.**

Mentora stručne prakse određuje Predškolska ustanova „Aladin“.

#### **Član 10.**

Univerzitet se obavezuje da obezbijedi da se studenti za vrijeme obavljanja stručne prakse ponašaju u skladu sa visokim etičkim i moralnim standardima, kao i da se prema Predškolskoj stanovi ponašaju sa pažnjom dobrog domaćina.

Univerzitet je odgovoran za svaku štetu koju njegovi studenti pričine Predškolskoj ustanovi „Aladin“ u toku obavljanja stručne prakse u prostorijama Ustanove.

Univerzitet je također obavezan osigurati studente za slučaj eventualne povrede u toku obavljanja stručne prakse u prostorijama Predškolske ustanove „Aladin“.

### Član 11.

Ovaj Ugovor se zaključuje za akademsku 2017/2018. godinu.

U periodu važenja Ugovora svaka ugovorna strana ima pravo isti otkazati, uz obavezu da o namjeri otkazivanja pismenim putem obavijesti drugu ugovornu stranu najkasnije 30 dana prije dana s kojim namjerava otkazati Ugovor.

Ugovorna strana koja je pretrpjela štetu zbog neispunjenja obaveze druge ugovorne strane ima pravo na naknadu štete.

### Član 12.

Ovaj Ugovor je zaključen u četiri (4) istovjetna primjerka, od kojih svaka ugovorna strana zadržava po dva (2) primjerka.

### Član 13.

Ugovorne strane će eventualne sporove rješavati sporazumno.

Za Univerzitet  
V. D. DIREKTOR  
Akademik prof. dr. Nedeljko Stanković



Broj: 141-4/2017  
Tuzla, 04.07.2017. godine

Za Predškolsku ustanovu „Aladin“  
DIREKTOR  
Sanija Kusturica



Broj: 02-299/17  
Tuzla, 14.07.2017. godine